

四明叢書
張宗祥



夏小正求是序

昔韓昌黎讀儀禮曰古書之存者希矣百氏雜家尙有可取況聖人制度邪余於夏小正亦云夏小正錄於大戴記中傳之者戴德也謂戴德撰之者非前儒早辨之顧或云傳之者蓋亦高赤之流

見莊述祖夏小正經傳序

此猶詩序

作於何人今不可攷然離序而言詩往往杳鑿不相入

舍傳而治小正要其歸粹者鮮矣吾鄉姚復莊先生績學士也尤工於文著有夏小正求是四卷其稿藏於馮氏伏跗室爲咸豐辛酉手錄

題辛酉九月復翁手錄

亦越七十八

年余喜其言之粹也爰取而刻之先生所見者凡三十
六家余得之者過半然余所見而作於先生之先爲先
生未見者亦夥先生含諸家文字之異同不論獨論其
辭義而釋義又判正與別者先定名曰考異後改曰
別義

手稿先書考異
途改爲別義

低一格書蓋慎之也其評孔氏大

戴禮記補注曰驛軒篤信傳文不容一語之出入故所
著有未盡善處然則先生非信傳者歟顧從傳者仍不
少閒有闕之者如執陟攻駒如狸子肇肆如蓄蘭如煮
桃之類於古有證成一家言無絲毫鈔襲誠哉其求是

也說者曰小正記時候非記禮制先生駁之曰小正之

記禮制屢矣正月初歲祭耒始用暢二月丁亥萬用入

學吉禮也二月綏多士女

求是本
作士女

嘉禮也十一月王狩

陳筋革軍禮也書修五禮而小正記其三焉尙得曰非

禮制乎斯又與盧召弓識張稷若補注所云於綏多女

士

張本作
女士

見夏道尊命近人而忠焉於豺祭獸見夏之

先賞後罰先祿後威焉於其終篇再書隕麋角而以爲

聖人扶陽抑陰之意者同夫小正非完書也正月凡二

十二事二月十四事三月十三事四月十事五月十五

事六月三事七月十一事八月九事九月九事十月七
事十一月三事十二月五事可記者豈止此乎且旣曰
小正必有其大正焉所謂夏時之等也然書闕有間矣
要之不離於古書者近是況記時往往與豳風合而月
令亦周世所作所據皆夏之時昔魯恭已言之淮南時
則訓四時寒暑十二月之常法又取諸月令汲冢書月
令篇雖亡而月令解亦夏時也今天下紛紛陰陽錯亂
民生憔悴有甚於潞水之儻予遑論鳥獸草木時若讀
小正一書不禁感慨係之後有作者彙合諸家之異同

如呂東萊之成讀詩記則更有進余固有志焉而未逮者也時民國二十九年九月後學張壽鏞

夏小正求是引據各本書目

宋

傅氏

崧卿

夏小正戴氏傳本

凡四卷刻通志堂經解中崧卿字子駿山陰人官至給事中宣和辛丑自序其書始分經傳每月爲一篇而傳中仍載經文以相聯綴關本錯簡處以集賢本校改朱子從之

關澮本附見澮字漢卿政和中人其書不分經傳有注釋二十三處

集賢院大戴禮本附見

韓氏

元吉

大戴禮記本

國朝朱文端公巡撫浙江時得制府滿公藏宋本重刻康熙戊

戌自
爲序

今刻在藏書十三種中韓穎川人淳熙乙未自序得

范太史家

本校正

朱子夏小正本

刻儀禮經傳通解中分列經傳悉從傳本閒有增改

處參用韓本

王氏

應麟

夏小正本

刻玉海中有經無傳以朱子本爲主而有脫誤

元

金氏

履祥

夏小正注一篇本

刻資治通鑑綱目前編中經傳文依朱子本注則仁
山自爲之

明

楊氏

慎

夏小正解本

今刻本存一卷首載經文次戴德傳次金仁山注傳
注有未安者升庵乃自爲之解正德壬申九月序刻

王氏廷相夏小正集解本

刻王氏家藏集中一卷只載經文月爲一篇傳閒附
集解中自序云義之通者傳之闕其不可知者是也
故所解頗多新義

沈氏泰大戴禮記本

刻漢魏叢書中

朱氏養純大戴禮記本

專刻本

潘氏基慶夏小正本

刻古逸書中有經無傳

董氏

斯張

夏小正本

刻廣博物志中有經無傳

朱氏

斯行

夏小正解本

專刻本今存一卷是書蓋取戴傳金注而成第有小異

陳氏

深

夏小正本

刻十三經解詁中有經無傳

國朝

武英殿大戴禮記本

乾隆四十二年六月庶吉士戴震校上有案語九十條

徐氏

世溥

夏小正解本

一卷存抄本世溥字巨源新建人榆墩集中之一卷
也有經無傳

馬氏

驥

夏小正本

刻繹史中有經無傳

黃氏

叔琳

夏小正注本

今刻本存一卷盧抱經爲之跋見集中

張爾岐夏小正傳注附見爾岐字稷若號蒿庵滋陽人康熙初年作

姜氏兆錫夏小正本

刻儀禮外編中

諸氏錦夏小正詁本

今刻本存一卷有經無傳草廬宮贊自爲序

范氏家相夏小正輯注本

今刻本存四卷家相字蘅洲會稽人博采諸家之說

正其錯誤辨其名物皆有疏證乾隆三十二年自爲
序嘉慶乙卯年刻

盧氏

見曾

大戴禮記本

刻本存雅雨都轉合東原抱經兩家校本刻於揚州
官署乾隆丁丑冬自序每卷首行題云周尙書右僕
射范陽公盧辨注凡例曰夏小正一篇舊本經傳參
雜今取宋元及近代單行注本校正傳文皆低一字
其譌誤刊落頗多

元劉貞大戴禮記本附見貞字廷幹海岱人官嘉興

路總管至正甲午刊板於嘉興路學宮鄭元祐作序
孔廣森曰分上下卷無注案孔本作劉貞庭蓋誤讀
鄭序連上文故也

戴震大戴禮記本附見東原編修先於乾隆丁丑夏
校此書後在四庫館又有校本詳見前

盧文弨大戴禮記本附見抱經學士自丁丑年與東
原編修商閱此書後又六七讐校逮刻成覆閱又得
數事庚辰冬日爲跋今案雅雨引盧本乃庚辰前校
閱之本宋茗香曰抱經先生校雅雨堂本其曰官本

據永樂大典本劉本元劉庭幹本程本漢魏叢書本
高安本朱文端本楊本袁本楊慎與袁褰本又有朱
本沈本方本名未詳是庚辰以後抱經復有校本矣
余俱未之見

秦氏蕙田夏小正注本

刻五禮通考中采王浚川及顧蔡二氏之說俱多其
自爲說者寥寥數條而已

明顧起經夏小正補解附見

蔡德晉夏小正注附見

畢氏沉夏小正考注本

刻經訓堂叢書中一卷宮保云就行世諸本互校之以篆隸二體分寫經傳閒附釋義其字必期合於許氏說文自序爲乾隆癸卯夏作

孔繼涵夏小正本附見

梁氏萬方夏小正考訂本

刻儀禮通解外編中一卷經傳文悉遵傳崧卿本其曰附案者乃梁氏自爲之說具見考證

李氏楚珩夏小正箋本